

鄱陽縣志



鄱陽縣志舊序一



聖天子撫一統之盛建萬年之基有通志一書所以辨地險別民情審土宜也下而視若邑皆得各修圖志以備參據其間紀政治載貢獻其道通于書列風俗別貞淫其道通于詩明消息盈虛辨天人治亂其道通于易善者表之惡者戒之君子知式小人知守其道又通于春秋與禮若是志之所係顧不重哉余守饒州初至其境攷其地稱饒裕古因以饒名郡其山接匡廬

鄱陽縣志

舊序

之勝焉水滙嶽衢之流焉人則洪馬彭江忠孝節義之鄉名宦則有顏范之遺芳焉顧僅傳聞大槩耳及詢志載而攷其詳則蕩平以來俱已燼盡所修復者僅樂平一邑得中堂范公重刻爾余方有志修復郡乘而各屬原本散無所存咨之各令君而鄱陽盧君則毅然有刻縣志之請矣未幾令君以補任數月卽有民部之遷事方舉而未竣或者曰報政恒在三年攷陟遠亦九載志書數百年事也令君非久而于此不憚

餘力者何也又曰居其官則思其事今行矣疑  
于此可置乎令君曰不然方今 冲主當陽臣  
工爭濯磨以襄盛治回已金甌悉在版圖矣而  
且遐方異域罔不重譯獻琛披圖納款况茲江  
國襟帶而文獻無徵伊誰之責願敢以遷去而  
有始鮮終乎况工資不費民間督梓願輸已力  
事無旁借其初志也余欣然曰茲役也以明形  
勢則地險辨焉以陳憂忠則民情別焉以審經  
畫則土宜悉焉佐 廟堂之經畫備太史之採

鄱陽縣志

舊序

二

風將於是乎在一舉而數善備焉矣刻成而喜  
郡乘將有所攷因叙其事如此各屬之未修舉  
者寧無意乎哉  
昔康熙戊申嘉平之吉中憲大夫知饒州府事  
曲安王澤洪書

鄱陽縣志舊序二

輿地之有志由來久矣其大者夏書之禹貢周  
禮之職方載在六經班班可考其後秦分天下  
爲三十六郡而風土之紀未嘗概見漢興版章

更加開拓計天下之郡國百有三分爲十三州  
設刺史以統之於是蘭臺令孟堅班氏作地理  
志其中鈎連繩貫五方之風氣九州之民物靡  
不包舉不下堂而萬里如在目前矣自是厥後  
代有修明踵事增華更加詳核凡天下之爲省  
爲郡爲縣靡不各有成書存諸宮府蓋志書之  
作也非以誇見聞矜博覽也其間山川之阨塞  
水土之肥磽習俗之淳漓民生之豐瘁苦樂奢  
儉貞淫以及賦役多寡守禦要害無不委曲詳

鄱陽縣志

舊序

三

盡凡蒞是邦者其所以補偏救弊興利除害按  
册而稽之孰者宜因孰者宜革孰者宜修復孰  
者宜振飭一展卷而瞭如指掌焉其係於國計  
民生也豈淺鮮哉長吏奉 天子之命剖符一  
方大者數百里次亦不下百里數十里百萬戶  
之命縣於一人使非周知四境之民風土俗則  
政令何以節宣利弊何以興革故郡邑之有志  
誠留心國計民生者所不敢忽也鄱陽古稱巖  
邑也天下之巨浸有五而鄱陽居其一其所以

鍾水豐物殖貨阜財通九州之貨賄接行旅之  
往來名勝甲於江右舊志載之詳矣奈何自萬  
曆以來舊志湮沒又以海經兵火迄七十餘年  
無復有起而修明之者遂使古今名勝之迹欲  
憑吊而無從亦足悲矣邑宰武林盧君來蒞茲  
土其爲政也矢公矢慎越高密駕桐鄉皎然如  
玉壺之水煦然若冬日之日不浹月聞鄱陽之  
民業已望若神明矣一旦念舊志之淪亡慨然  
憂之因以修復爲己任購求遺書遂從殘編中

鄱陽縣志

舊序

四

獲什一于千百而復佐以故老之流傳他書之  
互見編綴成書吾因之有感焉夫此六七十年  
來其爲邑宰不知凡幾而縣志之有無未遑過  
而問焉盧君蒞鄱不數月遂使數十年廢典頓  
還舊觀今方膺新寵領度支行將佐大司農籌  
國用之盈虛定賦式之平準其施漸及天下矣  
猶復惓惓以鄱陽之志爲急吾知其聲望在朝  
右而遺愛猶在鄱陽也余不敏佐理芝城案牘之  
之餘間及紀載見鄱陽志書缺失深懷文獻之

恩而王事鞅掌未暇越俎而代庖也今有盧君余亦藉手以釋予懷矣書既成請予一言引其端因序其廢興之始末如此

昔康熙捌年春正月毅旦奉政大夫江西饒州府同知前浙江湖州府知府雲中劉愈奇頓首拜撰

鄱陽縣志舊序三

自周禮職方氏辨司疆域而漢郡國計書載風土人事唐宋因之合編備一代之史分載爲各

鄱陽縣志

舊序

五

邑之誌蓋以備考核維風俗也然國史則勸懲具備邑誌惟錄其優潛瑜必著隱德必揚將使後人感慕興起日進于善也番爲江省名邑舊有縣志數十年來兵燹散佚值賢令仁和盧君甫下車引爲已任延致耆英逸稽博訪詳考而補訂之捐資壽梓諸如星紀山川風俗人文以及節義忠孝靡不倫要悉舉次第炳鱗誠足永金石垂不朽矣書成請序於各憲臺與諸鄉老先生而併及于余余愧不文又才拙督糧

不遑曷敢續貂夫是以惴惴焉欲序而不敢然  
嘉廬君之志有成欲其廣斯志以加惠宇內則  
不敢序而又不得不序余維山川疆里賦役風  
俗雖今昔或殊然山水自古賦役已勒全書至  
若名卿碩輔功業又炳耀國史卽誌有未修不  
至淪沒獨是明末距今數十年間其中士礪行  
於瀟戶女盡節於蓬窓微員矢忠匹夫尙義旣  
不能上之太史又不獲及時入載邑乘世从年  
湮必將幽貞隱德淪滅於荒煙斷草矣此仁人

鄱陽縣志

舊序

六

之所不忍而維持風化者之所必先也廬君之  
急修輯而速竣事志在斯乎前徽旣顯後美必  
興將見鄱之節義忠孝人文風俗倍盛於昔雖  
芝山蠡水靈秀所鍾不可謂廬君之修輯無以  
勸之也與人爲善不綦與國史並垂不朽哉因  
不慚固陋謬附言於各憲臺與諸鄉老先生  
之後承德郎饒州府通判趙樞

鄱陽縣志舊序四

一代之典方策輝煌下至郡國文獻之昭垂蓋

莫不有書焉以志其不朽番有志其來舊矣至  
明景泰間章常山先生續稿稱爲明備嘉靖間  
胡司寇踵修之爲重鏤已逾八十年萬曆己酉  
劉司空復修之爲易梓今所徵者己酉易梓也  
復乘六十年矣恭逢 皇清定鼎統制盡一車  
書咸同諸如疆理形勝兵農庸調漕河律曆以  
暨制科學校若蠲租若清問若星野災祥之必  
書若忠孝幽芳之咸秩洋洋乎與夫是六十年  
中水土播烝文光吐新代有循良治臻旣庶皆

鄱陽縣志

一卷

舊序

七

不可不急爲釐正以俟將來者也先是丙申歲  
太守翟公方有事郡志之舉馳牒蕪邸屬余較  
讐焉未幾公以遷屯田使尋擢觀察秦中去已  
而楚咸鄭君復以邑志請又未幾而鄭君復以  
量移滁州去弗遑副墨豈志之待夫人也抑亦  
有其時乎誠慎之也茲盧侯甫下車卽以修輯  
缺典是謀爰捐已資集邑中名彥酌古核今用  
是各矢公慎分猷詳訂而余復以歸省之暇偶  
得樂觀厥成因憶予曩若分藜中秘折衷良史



不啻詳焉而惟是職方紀載之體其異詞者三  
夏五郭公傳疑承誤車書炳郁路馬蹴芻則文  
與字之傳聞宜辨也寧爲魚亥毋爲具敖也七  
談八州識其大者瑞芝丹井劍氣鬱宣則事與  
人之所聳宜覈也寧爲固密毋爲遷疎也甲子  
周星其在茲辱承筐之歲絳人可問尙猷洛社  
則罔所愆唯是吾番之博雅諸君子掾觚以從  
也夫何辭之與有則名與寔之所重者詳以核  
也寧爲魯衮毋爲齊諧也滄溟有言善是之具

鄱陽縣志

一卷

舊序

八

非徒以存文獻而已謂夫一方紀載之盛且以  
嘉勵將來于勿替焉番自秦漢以來號稱望邑  
田治賦清彬彬乎其士熙熙乎其民化淳俗厚  
紀載犁然可考何昔之番獨臻盛歟亦代有良  
司牧噢咻而董率之耳後之君子休養元元輦  
剗夙弊以主持風化爲已任則良父師藻德於  
上士若民率俾于下何風治之不古若也如前  
所云夫亦西冷盧君諮詁考訂之義也會志成  
而盧君擢計曹之命適下謂非番志之幸歟

抑亦人逢其會時遭其宜歟予不敏弁數言次於諸君子之後亦庶幾毋忘竊取焉爾夫是邑之賢令尹賢士大夫之相與有成也蓋慎之也敬序

昔康熙戊申歲季冬月朔賜進士第內陞京鄉內府戶工二科都給事中前吏刑工左右給事中內翰林國史院庶吉士邑人史彪古撰

鄱陽縣志舊序

古者天子巡狩五嶽太史採列國之詩陳之以

鄱陽縣志

一卷

舊序

九

觀民風觀民風之貞淫卽以見政理之得失是卽後世郡縣誌之所由始歟夫誌者志也志之大者有綱有目目有三而其綱則一一者何也長吏是也目則其一風俗其一士田其一人人才苟長吏能正心修身以治其國則風俗無弗淳士田無弗正人才無弗敦懋易良者吾鄱自漢令吳芮以德率民得江湖間民心風俗最淳士懋民愿女貞無奇靡淫蕩之習其後世道日降人心漸漓至季葉而澆薄不可問矣然而土風

氣質元自朴厚上有倡之者則易轉也前是楚  
寧雜公鄭侯今武林鯤颺盧侯後先繼起本身  
加民樸茂喁喁嚮風盧侯則捐清俸而修學宮  
勤月課而精提衡夙夜飲冰滌耗釐弊今士風  
丕變鄉校無譏夜戶不閉草卧桁楊風俗人才  
不既興歎唯是土田一則履畝清丈良法美意  
無如里冊心手不一不無參差鄭侯加意釐剔  
歷有年所再經盧侯一番澄汰不可不謂悉心  
從事矣若夫風俗首重孝義之與貞烈諸君相  
戒曰寧嚴毋濫寧覈毋浮幽岩僻澁未能達者  
不無有待予曰是有數存焉劍氣夜光終無涇  
滅時予暨諸君但竭其耳目心力矢此公慎可  
也夫誌志也卽史也春秋編年無非鑒古垂今  
其或搜奇攬異拾唾擲珠是廣記東華雖驚神  
竦魄不過稗官野乘亦何益哉昔聖人式負版  
者洙泗政理則武城絃歌蒲泗深治人才德化  
誠長吏之世志也夫是洪邁彞堅徐鉉越絕槩  
在所畧而星野沿制食貨傳紀之類芟蕪正誰

校前益確豈無當於陳詩易絃之理綱張目舉  
其於長上欲舉斯世於三代以上之隆良不敢  
有負焉矣

昔康熙戊申嘉平毅旦賜進士出身前巡按江  
南兼管監軍監察御史邑人賀登選頓首拜撰  
鄱陽縣志舊序

志何昉乎九丘八索不可得而考已虞時肇十  
有二州封十有二山或輿圖之所由起也至大  
禹一書山川物產貢賦土田班班可考其最先

鄱陽縣志

一卷

舊序十一

者歟周有職方氏以掌天下之圖而又命太史  
陳詩以觀民風十五國之風卽十五國之記也  
志莫善於此矣漢初入關蕭何先收秦府圖籍  
故沛公得知天下阨塞戶口之數誠見于其重  
也淮南鴻烈解次天文而誦墜形博矣或失則  
誕自龍門創爲八書扶風廣之作十志此天下  
之志所由全焉外此而有三輔黃圖華陽國志  
等書則郡邑之志所由昉乎鄱之有志舊矣培  
自去爰待罪茲上爰求舊乘于故府而不可得

既乃得之民間展卷讀之至明萬曆中葉以來  
脫焉未輯非闕文也或亦前之命茲邑者有志  
而未逮乎否則文獻之昭明固亦有其時耶第  
培簿書鞅掌日昃不遑敢云一夔而足哉幸摺  
紳先生雅有同志而三五耆夙又前道及廳所  
與慮始之人於是延之專局分帙編摩而培以  
奉公之暇時加裁正焉始於戊申之重九及巳  
酉之初春不五閱月而志告成矣嗟乎志豈易  
言哉他不具論卽如輿地沿革或昔合而今分  
錢穀戶口或先約而後廣不可不詳也則不可  
不慎也民情風俗久近豈無異同人物品題位  
次曷由各得不可不確也則不可不嚴也外而  
摛詞揆藻亦關風氣之盛衰嘯月吟風可占性  
情之淑慝寃固疑濫也隘亦譏陋也至于鸚鵡  
六鷁石言星隕之類或一方之事而天下之應  
在焉謹而書之非卽他日五行志之所權輿哉  
由此以談易耶否耶今幸矣志成矣數者之慮  
或可免諸是皆摺紳先生之力也而培亦得藉

手告無罪於先正矣若夫踵事增華彰美弘化  
是所望於後之君子者為無窮爾

昔康熙己酉歲仲春朔賜進士第文林郎鄱陽  
縣知縣新陞戶部陝西司主事武林盧元培序

鄱陽縣志

一卷

舊序

十三

鄱陽縣志序

禹貢九州扶風十志其一統  
志之權輿乎職方掌天下之  
圖外史掌四方之志他若盛  
弘之記荊州常璩之志華陽  
皆以褒媿彰懿章志貞教此

鄱陽縣志

查序

羈邑志之所由昉也志也者  
誌也誌其山川險易風俗汙  
隆財賦盈絀戶口登耗人才  
盛衰忠孝節義之必書水旱  
祥禳之必謹舉目張條分  
綏柝勒成一編采之輜軒藏

諸册府所以待王稽古周知  
天下之故且使有事于茲土  
者審剛柔別治忽辨其土之  
所宜察其治之所尚因勢利  
導與時消息土地人民政事  
俱有掌故可稽如取火于燧

鑒貌於鏡則志之爲功詎可  
忽乎哉

今天子大復古旣令勗縣各修其  
志進備省會成書彙而貢之  
以纂一統之志遂使禹貢山  
川悉陳王會周官采衛併入



輿圖於體國經野之中寓省  
方問俗之意道揚治化黼黻  
休明非僅爲金匱石室之藏  
而已前之鄱陽縣志缺有間  
矣近如景泰間之章志嘉靖  
間之胡志萬曆間之劉志卷

帙放失文獻無徵厥後邑令  
增城潘君一修于萬曆己酉  
武陵盧君再修于

國朝己酉己酉距今僅十有五年  
而王令君復舉而修之者何  
急令甲也春秋所載有見

必書有聞必書遠之則略近  
之則詳遠之恐失真而近之  
貴核實也芟繁就簡存信闢  
疑闡幽崇微易訛塗漏則紳  
士采輯潤色之功居多焉夫  
鄱固巖邑也宅彭蠡之濱其

地沮洳其俗織畷其君子樂  
易而敦詩書其小人醇謹而  
力稼穡澤有蒲魚之饒山有  
林麓之利帆檣四達商賈輻  
輳誠吳楚間一大都會云自  
罹喪亂螽賊內訌流亡載道

命

駐節芝山者三年矣鞠人謀人

亦孔之哀欲拊循而煥咻之

鄱陽縣志

查序

五

力未能也適紳士以志序爲

請受而讀之不禁舉然高望

爰進王君而謂之曰今之鄱

非卽古之鄱乎猶是戶口也

何以昔登而今耗猶是人才

也何以昔盛而今衰猶是財

賦也何以昔盈而今絀我與  
若其守此土其亦宜昭義問  
相與有成若夫勸課農桑敦  
崇禮讓雀苻不驚桁楊臥兩  
長吏事也奉揚德意察吏安  
民弘獎正學平世善俗監司

責也教養生息漸摩教化豈  
異人任今欲太其不如古以  
進於古則茲編具在其卽土  
地人民政事之龜鑑乎治絲  
無琴改絃易理母曰民澆是  
在上者轉移之耳至若士君

子生長斯地涵泳乎詩書禮  
樂之薌澤步武乎理學節義  
之芳規定志興行一道同風  
使後之采風者絜是邦於鄒  
魯是余之所厚望也夫

嘗

康熙二十三年歲次甲子嘉平  
之望

賜進士第中憲大夫江西按察  
使司分巡饒九南道副使  
前兵刑二科掌印給事中  
戶刑二科給事中廣西道

監察御史刑部貴州清吏  
司郎中江南司員外戶部  
江南司主政浙西查培繼  
拜撰



續修鄱陽縣志序

自秦始郡縣天下而長沙王以鄱起兵從諸侯入關邑之名卽見於史迄今幾二千年雖疆域割拆不常而邑治未嘗有易縣之舊未有若茲者

鄱陽縣志

黃序

也唯舊則人材物產盛衰治亂散見於二十一史及他記載其蒐討爲甚易而域之割拆不常則此疆彼界或出或入其攷覈爲甚難稽古禹治水皆躬親跋涉作禹貢以告

帝成功其楊州之域曰彭蠡  
既瀦卽今鄱陽湖也而導漢  
曰東滙澤爲彭蠡導江曰東  
迤北會爲滙考亭九峰皆以  
爲漢與湖相去絕遠江流介  
其中湖納饒信十數州之水

有出無入疑江之北別有所  
謂彭蠡者然又以楊州之澤  
無大是湖不應舍其大而別  
記其小則彭蠡之爲鄱陽無  
疑蓋禹時水患西北急而東  
南緩其治亦西北詳而東南



畧或未必親歷其地而徒爲  
約畧想像之詞則攷覈之難  
自禹來已然又易彭蠡爲鄱  
陽不知始於何時而縣之易  
番爲今名則已見於秦漢或  
爲郡或爲邑不知湖以邑而

得名耶抑邑反以湖而各也  
是皆未可知乃欲追溯幾二  
千年以來事實上及堯禹以  
至於今此疆彼界犁然有辨  
其爲力詎易易哉則甚矣史  
之難於志也若令於邑又無

所不當問繼先垂後宜莫先  
志然戶口井里一按籍而知  
之而欲鈎索古今事實於簿  
書委積之際雖有敏者亦莫  
措其手則作者又甚難矣番  
舊有志其前不可攷可攷者

則景泰之章常山閱八十年  
而嘉靖之胡司寇又六十年  
而萬曆之劉司空八

國朝觀察盧公元培爲是邑重  
修刻焉迄今十五年矣遭亂  
散佚今邑令王君奉

憲檄復刪續刊刻以繼盧公  
之後夫十五年之視前八十  
六十則甚近然此十五年中  
兵弋災沴亦多故矣書旣散  
佚而王君爲首邑繁劇乃能  
躬自刪續於簿書鞅掌之餘

使幾二千年間之事實班班  
可垂於後是亦不可不謂才  
之優而力之勤也而凡有事  
于是書者其勞皆不可泯故  
余爲推作志之難以見其功  
王君爲邑多善政余與同事

有年脩知之以方論志事故  
不及

昔

康熙二十二年秋九月之吉  
中憲大夫知饒州府事加二  
級三韓黃家遴撰

番陽縣志

黃序

六



續修鄱陽縣誌序

嘗謂誌廼史之流裔縣曰誌  
國曰史也周官職方氏掌天下  
之圖小史掌邦國之誌土訓  
道地圖誦訓道方誌凡以觀  
俗辯方察隱軌物以章之而

化上也設官圖治之法未嘗  
不仰嘆往昔先民之作之善  
矣此志之所由作也方今

聖明在御宇宙廓清禮臣請修一  
統志檄下諸郡縣各修乘譜  
其所紀載雖不越提封四境

之中而實能備

國史之所未盡猶大宗之有小  
宗焉猶江海之支流山嶽之  
嶽阜焉不可廢也矧鄱陽山  
明水秀峙於七邑名賢巨卿  
代不乏人其于典故載籍素

所推重然自甲寅兵燹之後  
舊志散亂遺亡後事未登前  
紀或畧使不亟爲編輯恐世  
遠人湮何以備物示象以信  
古而傳後不微不信典廢而  
治無可稽矣今 楨伯王命

不憚勤勞敦禮名碩捐資首  
創開館衷輯而於撫字之暇  
躬親校訂殘者序闕者補不  
數月而告竣誠司牧之良績  
亦不朽之偉業也余承乏茲  
郡僚員府倅蒞治者甫浹月

其於山川之形勝紳宦之遺  
風未遑採訪不敢妄贅爰喜  
新志之成也因樂爲之序  
省

康熙二十二年癸亥冬月  
奉直大夫饒州府同知三韓

佟淮年撰



鄱陽縣志

佟序四



續備鄱陽縣志叙

夫志之為志也原所以志一  
邑古今之事大而禮樂文章  
忠孝節烈細而山川草木土  
俗民風悉皆有以志之而不  
使苟有一事之或遺者何也

以禮樂而知其有賢豪以文  
章而知其有人物以忠孝而  
知其有奇男子以節烈而知  
其淑媛以山川之秀草木之  
榮而因知其地之傑也以上  
俗之厚民風之美而因知其

化之神也矧鄱陽附屬郡城  
乃一邑而為七邑之首故其  
山川人物忠孝節烈名賢鉅  
卿累代有人指不勝屈迨攷  
之當日自虞誦其人以來德  
裕其人而後興學校而文風

丕著者有范公若而人明禮  
樂而教化神速者有黃公若  
而人接踵至今班、攷覈固  
典諸邑超然不群獨是歲在  
甲寅當兵燹變亂之後而城  
郭半至空虛人民多致離散

未免忠孝節烈湮沒不傳版  
章圖籍焚燬散失至歲月漸  
深將來則無文獻可攷其何  
以昭信於後日乎今值 楨  
伯王令下車是邑竭力撫字  
而悉皆依然如舊矣又幸奉

聖天子之命傳修邑志以成一代

之大典故得與諸子共相攷  
訂因革合宜損益中式而筆  
削之功有成可與國史並傳  
不朽爰以為序

皆

康熙二十二年冬月之吉  
承德郎饒州府通判謝楷撰



鄱陽縣志

謝序

四

續修鄱陽縣志叙

今之縣志卽古列國之風也  
古者列國有風太史採之以  
獻於天子天子受之而列於  
樂官被之管絃於以察政治  
之得失知俗尙之美惡凡山

鄱陽縣志

王序

川土田人物禽魚貞淫強弱  
莫不於是乎攷焉以故季札  
歌風而列國之景象無不宛  
然見也自詩亡春秋作國無  
風而有志旣不可歌亦無若  
風之能動然猶記其事書其

人載其忠孝節義之足傳方  
技文章之可貴蓋其風不上  
猷是以有勸無懲記善去惡  
此志之所以不及風歟我

皇上車書一統山海幽潛靡不向  
化爰命

鄱陽縣志

王序

二

廷臣續脩會典各直省俱脩通  
志下及小邦邑侯亦得以志  
乘上達

天子而察其貞淫治亂人物盛衰  
之由雖三載考績三考黜陟  
幽明無若是之彰明較著一

覽而千百年之治亂興亡不  
啻掌指而眉列矣鄱澤國也  
雖於饒爲首邑然總計江以  
西則不勝小以天下之邑計  
之則又小之小者孔子曰十  
室之邑必有忠信上古荒唐

多不可攷自漢唐晉宋以來  
代有傳人遺蹟未泯因其舊  
而紀之自不敢缺迨我

清鼎定前乎此者則前人之或  
溢或遺故老無述文獻不徵  
無從訂証槩遵舊刻未敢刪

補丁生也晚來且暮自滇岡  
跋扈鄰以湖莽夙蘊萑符招  
寇賊蹂躪我疆土者反覆數  
次其間忠臣義士烈女節婦  
隱而勿彰幽而未聞者豈云  
無有顧耳目之所未及不敢

憑以意見卽耳目之所已及  
尤不敢附會聲影以故刪者  
絕無而增者甚少寧刻無濫  
寧實毋浮寧失於固陋自慚  
傳洽無失于荒穢貽誚將來  
此余脩志之所持如此而



時同事參考讐較諸君子若  
王左人絲如雷殷叔者皆鄱  
名宿首肯予言遂屹然載筆  
人莫敢奸以私求如陳承祚  
作三國志覓丁儀兄弟千斛  
米爲乃翁作佳傳無有也卽

有桓温之燄不能屈孫安國  
以美詞書枋頭也蓋予嘗謂  
忠義貞烈之氣縱没于人言  
遺乎紀載而山川草木亦能  
發其幽潛之光鬼神異類有  
時宣其閭淡之色惟是濫及

匪類爲天地神明所不容故  
其任罪於遺無任罪於收也  
志成我

皇上將彙輯而觀之於以褒嘉忠  
烈震蕩山河命詞臣歌誦其  
事風被下邑草木禽魚煥發

鄱陽縣志

王序

六

新彩卽古陳詩採風之盛再  
觀今日又何列國之景象不  
可盡見于

廟堂然則詩何嘗亡而風未始  
不可颺也矣爲之序

大清康熙二十二年歲次癸亥

十一月小寒日江西饒州府  
鄱陽縣知縣東萊王克生撰



鄱陽縣志

王序

七

重刻鄱陽縣志序

國之有文獻也所以維禮樂  
教化之裒而持世道人心之  
運自朝廷以達於邦邑雖彈  
丸僻壤皆不可一日無者况  
襟帶江湖氣鍾靈傑出貢賦

鄱陽縣志

王序

以供天地宗廟山川百神之  
祀之壤者哉粵自九丘莫攷  
而禹貢一書遂為後世誌書  
鼻祖姬公作周禮內史以掌  
邦國之志外史以掌四方之  
志自是以還代有著作莫不

散為羶邑之乘合為枉下之  
史前人之述備矣然則裨官  
野史自負鐵函博覽傍搜無  
徵不信夫子所以致慨文獻  
之亡為可惜也不然杞宋式  
徵曾何與東魯布衣事哉吾

鄱陽縣志

王序

二

鄱之有舊志也止於前明萬  
曆己酉司空劉公所訂號稱  
詳整焉至

國朝康熙己酉六十年間缺無  
紀載且事經改玉其中田賦  
戶口風俗人才宮室學校多

寡沿革淪於草莽冬矣幸前  
邑侯盧君懼其放失以為再  
歷數年欲問遺事則故老皆  
無在者於是採葺民間斷簡  
延致耆宿與鄉之縉紳大夫  
共脩理以續舊觀無何滇閩

鄱陽縣志

王序

三

窮發鄱屬隣境狂弁效尤甲  
乙之秋烽火煽於城郭圖籍  
府庫蕩焉一空舉盧侯所編  
緝者盡付祖龍之炬文獻無  
徵梨棗為灾若斯之急也今  
東海王君楨伯來宰斯土數

年於此矣。安靜惻一幅真。追古之循吏簿書之暇。詢前令盛舉不克。永其傳心焉。惜之况遇

朝廷纂脩通志。四海內外悉奉正朔。方將作王會之圖。大

鄱陽縣志

王序

四

統之業而使吾鄱風土人物獨缺畧不完。是亦守土者之責也。適邦伯黃太公祖整綱飭紀興廢舉墜不數年間而饒郡已赫然改觀。爰開局重修郡志。敦請七邑名儒而

予與宗弟絲如雷君殷叔同  
叅末席於是令君亦毅然以  
縣志為己任託以校閱用嗣  
盧侯芳躅何吾鄱之多賢父  
母也而因以見此數十年中  
民敝於兵而丁中可按女陷

於寇而負節可垂徽派省於  
官而經制可定學校荒於草  
而修復可期星羅碁置開卷  
瞭然考事徵文衮鉞不苟其  
所以維禮樂教化與持世道  
人心者皆於此乎在是則吾



鄱之大幸也况今先甲一日  
運終癸亥癸所以揆度既事  
之後斯舉也合於郡乘不均  
有光也哉雖由此而壽之奕  
世傳之名山所不敢知但期  
為董狐之良勿襲魏收之穢

鄱陽縣志

王序

六

俾後之興者得以折衷掌故  
而貢諸天府庶幾備省方陳  
詩之一助云爾因不揣為之  
叙顛末如此

皆

康熙貳拾貳年季冬月吉旦

順治甲午科舉人候選知縣  
邑人王用佐頓首拜撰



鄱陽縣志

王序

七

鄱陽縣志

凡例

一纂修本劉司空萬曆間刻志參之胡司寇嘉靖志章常山景泰志彙質以故老所傳諸紀籍所采會其異同芟其繁冗義嚴詞約庶幾信史

一圖表便披閱也大書特書撮要也分註繁文也附考佚事也綱有序目有論意未盡系以按無庸擬議者弗贅

鄱陽縣志

凡例

凡例一

一風俗入輿地取山川異制民生異俗之義封建入建置蓋僅宅厥土食采無與故不另志國邑

一舊志食貨轄兵衛無義今刪附公署之大廳廨而析食貨之賦役築爲一綱一切經費錙銖備錄蓋關國計民瘼俾後可稽

一各宦舊在人物志今系秩官表後令繼躅者一展卷而型範具在

一鄉賢宜祀孝子節婦且旌佚未及舉猶可待

也舉或未當何以勸爲隱桓之際則微觀者  
自當得于言外

一忠節上矣若彭器資之批鱗忠也而良葉醉  
漁之捉月忠也而晦故但系之方正文苑周  
梅山不署降表雖非殺身無愧忠節

一名公後貴顯者系本傳昭食報也推慶源也  
攷史志皆然片善相肖附載于末且特註曰  
子某孫某以別之卽同時輩出寸長足錄亦  
附如陶侃下邑人楊暉之類

鄱陽縣志

凡例

凡例

二

一人物標品犁然自難汜入唯宦蹟不皆建明  
漸開仕人身後蹊徑隱逸可以假借遂作顯  
者先世山林若乏吏治止各科目僅以子貴  
但歸封贈亦旣榮矣禮非誣祖譽恥過情願  
共爲三代之民

一名宦鄉賢見存不入抑私也舊稱公及

先今生

俱名倣史也墓誌家譜卽佳不錄防諛也事  
關一方利病曾經議詳原文具載備攷也  
一舊志有其人遺其事者采輯屢畧補之如文

苑黎廷瑞是已佚其事并沒其人者散見各集入之如方正程宏圖是已

一王伯山考唐書止名賀德仁所居爲高陽里  
二他長其宦蹟可畧也蔡明遠見蘇帖中有  
載米濟顏魯公一事正義士所由名宜詳也  
今損益于舊志者餘倣此  
一訛誤如邑令劉毅爲劉義人才胡叔珉爲耿  
叔珉考嘉靖志爲是如莊叔淵疾卒曰死事  
交趾考景泰志爲是從其是而已

鄱陽縣志

凡例

三

一雷豐城竅達象緯晉書載張華傳今無可類  
附特目卓識表之本自絕能難于儷已

一令甲婺婦年非三十以內守未五旬以外不  
旌志當準是是以有備志焉然則志必待旌  
與噫難言矣附驥尾斯至千里匹婦無階與  
草木同朽腐者不知其幾微顯闡幽責在掌  
故進張臬妻與鄭松女班之黎趙錄實也  
一流寓賢如盤洲忠如止水讀其事自可想見  
其人無庸標異攷之志例若彭城之范文正

公建安之朱考亭先生皆然

鄱陽縣志

丘  
例

四

續修縣志姓氏

鑒定

鄱陽縣知縣王克生

人 楨伯舉人山東掖縣

同修

儒 學教諭黃國瑞

次劉舉人新昌人

訓導鄧

駿

人 奇歲貢吉水人

縣丞戴

紘

鈞侯官監大興人

典史陳

友

仰山吏員祁州人

較閱

鄱陽縣志

姓氏

邑

人王用佐

左人揀選知縣

邑

人王言綸

絲如舉人

邑

人雷聲亮

殷叔歲貢

鄱陽縣志

目錄

卷之一

輿地志 上

疆域 沿革

星野

山川

郡龍辯誤

卷之二

輿地志 下

風俗 坊隅

鄉都

市鎮

卷之三

鄱陽縣志

目錄

目錄

建置志 上

城池 公署

封建

封隄

倉廩

卷之四

建置志 下

壇壝 津梁

鄣舍

坊表

卷之五

秩官志

有司 學官

職督

名宦

善政

卷之六



賦役志 上

戶口 田土 物產

卷之七

賦役志 下

起運 漕項 解給 經費 存給

卷之八

學校志

費宮 書院 社學 典籍

卷之九

鄱陽縣志 目錄

選舉志 上

科目 徵辟

卷之十

選舉志 下

貢士 封贈 恩蔭

卷之十一

人物志 上

勲業 忠節 理學 方正 宦蹟

武功

卷之十二

人物志 下

儒行 孝友 孝義 尚義附 義勇

隱逸 卓識 文苑 列女 流寓

卷之十三

藝文志 上

奏議 序文 記銘

卷之十四

藝文志 下

鄱陽縣志 目錄

雜著 詩詞

卷之十五

雜志

災祥 事考 古蹟 墳墓

卷之十六

別志

方伎 儒釋 寺觀 紀異

附備志

鄱陽縣誌舊跋

余無似承乏於鄱幾再考唯斤斤錢穀市獄是問若茲舊乘佚未及披爰詢司空劉公手示誌稿六冊是爲前令顧吳江所屬修公與三四同志彙訂者詳且整已于時水旱兼仍鳩僇皆輟乃掌故百年僅續豈當吾世而復墜之遂謀壽諸梓徼福

道尊應公序之因獲卒業其綱目論列井井責在令長意綦重也竊稽循良代起徽音莫

鄱陽縣志

跋

舊跋

一

嗣矧余涼德琛表是惕念唯畫一而守不愆舊章可幸無辜必倣傳颺之譜赫赫見音且恐邯鄲子失其故步爾善乎申公有言曰治顧力行何如唯茲周行所示犁狀著蔡敢弗龜勉從事第取空文懸之方冊故余讀賦後志而知湖壤加則之當釐也再讀學校志而知賢令缺祀之當舉也是何難繪監門之圖上達重闈修庚桑之祝下徇畏壘推是行之匪異人任曷敢諉諸不然卽言言石畫辟之

吹劍一映既爲木灾徒增紙貴非今日相成  
實意也敬識之末簡 萬曆己酉仲秋吉旦  
進士第文林郎知鄱陽縣事增城潘禹謨撰

鄱陽縣志

跋

舊跋

二

鄱陽縣志

輿地

體國經野有疆域焉圖以今制遵時也前是代有沿革廣狹因之而星度分矣廣谷大川異制民生其間異俗省方者所必稽在國在野則別以坊隅區以鄉都設以市鎮聯絡三百餘里壯哉鄱之為鄱也作輿地志

疆域

鄱陽縣志

一卷

輿地

論曰粵稽畫野版章自定第世殊宇割則幅員之度不一爾鄱故國濇艾界姑蔑鳩茲鵲岸以為封最廣矣迄今剖分之餘猶稱名郡巨邑

鄱陽縣境總圖

考舊志載春秋及宋元諸圖凡十幅因  
 革既異簡帙更繁難盡披覽茲依定域  
 列一總圖于左其縣治儒學詳系建置  
 不必重出鄱湖巨澤隸在餘干且連化  
 郡原有圖刻俱刪

鄱陽縣志

一卷

輿地二





鄱陽縣志

一卷

輿地三

廣二百五十里

袤二百三十五里

編

戶三百三十七里

明割去萬年二十五里  
實在三百二十一里

東樂平縣界在橫源舖九十里

西都昌縣界在亂門一百六十五里

南餘干縣界在鄭源舖七十五里

北建德縣界在木田岡一百六十里

東至樂平縣

舖路一百里  
水路一百二十里

西至都昌縣

舖路二百四十里  
水路經鄱陽湖

南至餘干縣

舖路一百二十里  
春夏水路僅百里

北至建德縣

舖路二百八十五里經石門

東南至萬年縣

舖路一百二里水路經餘

西北至彭澤縣

舖路三百三十五里經章田水路五百三十里經鄒

湖

自芝山驛至

江寧陸路一千五百八十里水驛十四至

京師 陸路三千四百四十五里水驛四十

七

按番形勝彭蠡既瀦禹地居澹浦邑帶鄱

鄱陽縣志

一卷

輿地四

川

唐王德璉

瀕江之地饒

為大

唐劉禹錫集

饒

為沃野

唐刺史志

據大江上流

宋彭汝礪云

吳楚冠

冕

一統志

江山清絕

宋章綬詩

廣谷大川當吳楚

交會

黃唐云

地沃土平

歐陽詢云

水匯西南山環

東北

舊志云

考春秋時輿地

南接豫章西接

楚東姑蔑

今衢州府

北鵲岸

今城

東北鳩茲

今蕪

湖

西南艾西北瀦大矣漢魏以來屢易經

界猶帶宣歙延袤千里而後漸析置廣晉

廢

鄒陽

即都昌

新平

即浮梁

諸縣明且割東南



爲萬年矣若其風氣人物愈勝于昔云  
沿革

論曰自秦郡縣始分世屢更易曰三十六  
郡曰十五道曰四十軍州厥規不齊矣鄱  
以古服都江南采甸非成於截補茅土或  
徙于撤割均得肝列而觀

唐

揚

荒服

州

國

縣

虞

揚

荒服

鄱陽縣志

一卷

沿革五

夏

揚

荒服

商

揚

荒服

元命苞云番古荒服

周

揚

春秋

楚

括地志鄱陽春秋時爲楚東境

番

西門豹令鄴及楚取江南十五邑番其一焉

周

敬王十六年

吳

史記楚昭王十二年吳伐楚取番故屬吳

周元王四年

戰國

秦始皇二十四年

漢高帝元年

鄱陽縣志

一卷

四年

六年

東漢

越史記勾踐滅吳盡併

其地故又

楚史記威王

殺王無疆

故又屬楚

九江郡史記

滅楚虜王

負芻置九

九江史記項

沿革

布為九江

地王盡屬其

淮南漢書分

淮南國改

淮南王為

豫章郡前漢

帝分淮南

置豫章郡

豫章郡後漢

鄱陽縣秦并

析置番陽

縣史記吳

湯令

荊勅為番

鄱陽縣

鄱陽縣

鄱陽縣

鄱陽縣

鄱陽縣

鄱陽縣

鄱陽縣

鄱陽縣

鄱陽縣

鄱陽縣

鄱陽縣

鄱陽縣

鄱陽縣

鄱陽縣

吳

縣二十一  
鄱陽隸焉

改名鄉亭  
東漢番字  
加邑作鄱  
復為鄱陽  
縣

廬陵郡

晉志  
孫策置

鄱陽縣

分豫章置  
廬陵郡鄱  
陽隸焉

揚

鄱陽州郡  
刺史

鄱陽郡

後漢  
志孫

鄱陽縣

權分豫章  
置鄱陽郡  
鄱陽縣隸焉

鄱陽縣志

一卷

沿革

七

晉

江州

晉志  
有司

鄱陽郡

鄱陽縣

揚

奏荆揚  
地廣統  
理九揚  
制揚荆  
凡十郡  
置江州  
後揚州

鄱陽郡

鄱陽縣

齊

鄱陽郡

鄱陽縣

梁

天監二  
年

江南東路

吳州

通考改  
鄱陽郡

鄱陽縣

為吳州

陳

光大二  
年

鄱陽郡

罷吳  
州復

鄱陽縣

建大十三年

隋 開皇二年

大業二年

唐 武德四年

鄱陽縣志

武德七年

貞觀元年

景德二年

開元二十一年

為鄱陽郡

吳州 改鄱陽郡 鄱陽縣

饒州 改吳州 鄱陽縣

以物產豐饒故名

鄱陽郡 鄱陽縣

鄱陽郡

饒州 復鄱陽郡 鄱陽縣 析東境

置新平即

沿革 八

饒州 鄱陽縣

改總督府為都督府

饒州 鄱陽縣

分天下為十道

饒州隸江南道

鄱陽縣

饒州 鄱陽縣

地志分江南為東西二道

饒州

江南西道

天寶元年

鄱陽郡通考

乾元元年

鄱陽郡復改鄱

上元元年 江南西道 饒州

鄱陽縣

五代

永平軍南唐

宋 開寶八年

江東路

饒州改永平軍

鄱陽縣

鄱陽縣志

一卷

九

元豐四年

江南東路 饒州

鄱陽縣

元至元年

江東道

饒州路

鄱陽縣

明

江浙行省 鄱陽府吳宏

州路歸明 改爲鄱陽府

洪武二年

饒州府

改鄱陽府

爲饒州府

九年

江西布政使司 饒州府

鄱陽縣

正德八年 江西布政使司饒州府

鄱陽縣 析東南境

置萬年縣

國朝

江西布政使司饒州府

鄱陽縣

按鄱陽縣春秋楚番邑後屬吳秦置鄱陽

縣而疆域倍今隸楚郡尋隸九江郡漢析

隸豫章郡王莽改名鄉亭東漢復舊獻帝

建安十五年孫權析隸鄱陽郡晉宋齊梁

陳因之 舊治在故縣去城東六十里後徙今治 隋隸饒州唐

武德四年平江左置饒州領縣九 鄱陽新平廣晉

鄱陽縣志

一卷

沿革

十

餘干樂平長城玉亭弋陽上饒 八年併新平廣晉入鄱陽

後又割東北置浮梁五代吳南唐因之宋

仍鄱陽縣元隸饒州路明初隸鄱陽府洪

武二年改爲饒州府縣名因之正德八年

割東南立萬年縣

國朝仍饒州府鄱陽縣本縣歷代爲郡府治

星野

番屬斗攷天官九江入斗一度豫章入斗十

度鄱秦隸九江漢隸豫章分野當屬斗 鄱饒附邑

考星家諸書未聞入某宿某度舊志以饒夫豫章為近疑入斗十度其亦臆說夫分野視分星古不泥其地地有拆合不齊而分星之在天不易以此相配寧不謬誤大抵星與地方位雖不蒙而禎咎實相屬先正謂有分星無分野殆有見歟

按鄱古揚州吳國境春秋緯文耀鉤云徐

揚之州屬權星北斗第四史記天官吳楚

疆候在熒惑占於玉衡星經云玉衡斗九星也第六星主揚

正義云熒惑皆南方星爾雅星紀斗牽牛吳分野斗

始故謂星紀淮南天文訓須女為吳斗

十二度至須女七度為西漢天文斗江湖

鄱陽縣志

一卷

沿革上

番境界晉天文斗牛吳越揚州本註云豫

江為星紀分今彭蠡正唐天文吳越東南

斗牽牛星紀玉海云饒州江南古揚此其

槩云推步之占史墨輩以歲星逆推吳越

之福亦槩爾象緯諸家往往分配靡定說

多未合若雷煥見斗牛間紫氣知寶劍在

豐城獄中里步寸分無少謬精矣吁安得若人而問之今攷饒土當以斗十度為合

山川

論曰山宣川潤萬物繇滋鄱衍自九華濱于

彭蠡佳麗不出于培塿漣漪匪倫于瀾洑掃  
菁蔚而恬潢波在賢令四顧林心故書以志  
而探奇懷古之士亦得寓觀焉

芝山

在北一里自池州九華山發脈為饒城

王山高三十餘仞周迴十餘里晴明登  
眺可見匡廬勅名北岡又名士素山唐龍朔  
元年產芝草三莖刺史薛振改今名宋時有  
能仁寺五峯亭接僊亭俱廢今有芝山寺傍  
有七判山五老山僊人石洞

薦福山

在城三里濱東湖有魯公亭寺趾卽  
戴叔倫讀書處傍有萬松關百花洲

茶園

桃源山

在城內西北

鄱陽縣志

一卷

山川十三

木家山

在城內西南

閣山

在城南十里宋太守毛佑之夢一人目  
稱楚王陳涉曰建閣其上故名

風雨山

在城北十五里古為雩壇故名

嶽廟山

在城北五里一名千峯山羣峯回環  
山凸建有嶽廟故名

雲雨山

在義感鄉去城北十五里亦舊禱雨處  
也

馬跡山

在城東北二十里山勢縈旋衆峯拱  
揖為邑山水最秀處晉王遜煉丹其

中白日飛昇卽其處劔飛僊亭立僊壇觀樓  
閣層疊有丹井斗壘存山石有蹟如馬蹄故  
名道家七十二福地其一焉

牛頭山

去城北一里濱土湖狀如牛首故名



表恩山 在城南四十里立德鄉濱彭蠡相傳  
宋有徐旭者居此獻龍馬封池州太守故名

辛家山 在贛洲門一里許

白兔嶺 在靈芝門外二里圓峯聳秀屹然芝山之東

鳴山 在靈芝門外新城鄉元總管十天章捕虎處

堯山 在城西三十里義感鄉堯時泮水避難者居其巔故名兩岫並峙為雌雄二獅

回會山 在靈芝門外舊有乾明寺今址建社稷壇

蓮河山 在城西四十里彭蠡之東南勢如荷葉浮水面周回百里

白鹿岡 在新興鄉五十三都舊為馬驛要路唐永徽中張蒙逐白鹿于此故名

鄱陽縣志

一卷

山川十三

郭璞山 在和南鄉四十九都自萬斛山脈而抵樂平靜里鄉為諸山之冠相傳郭璞寓此

韓山 在義仁鄉盤旋二十餘里高三十丈有韓山寺一統志云韓信祠遺址明堊淮王於此改名安山今俱以藩產變賣民間營業

巍石山 在和北鄉四十四都又名獅子山高十丈山頂址皆石巉岩峭壁下臨流溪

鐵藍山 在城東北一百四十里松蓋鄉相傳列子携鐵藍採藥于此故名

鄱陽山 去城西西北一百十五里鄱陽湖中初名力士山唐改今名

石步山 在城西北一百四里崇德鄉有石室如堂殿常有烟藹不可入一名龍嶺

獨角山 卽獨山在城西北一百二十里高二十丈峭石瀕湖唐王璉記常有獨角

歌君此故名

鳳凰山 在城北二十里義感鄉

馬鞍山 在城東接鳳凰山西聯利如馬鞍故名上庵曰青蓮明萬曆戊午年建

雲龍山 在懷德鄉樺木村自入稜山發脈高聳二十餘丈林木蔭翳

八稜山 在義仁鄉自逍遙山起脈連延起伏十里近郭諸山皆分于此

望湖山 在義仁鄉六都自小木嶺分脈高二

吳江山 在義仁鄉去城北九十里

鄱陽縣志

一卷

山川

連山 在崇德鄉去城百里自嶼冲嶺分脈逶迤曲折而來盤根四十餘里高百仞林木森鬱山間雲合即為雨候元末項普畧屯兵于此

富山 在崇德鄉去城西北百二十里

金輪山 在全保鄉去城西北一百七十里

曉山松山時山 俱在惠化鄉去城北百二十里

百福山 在新城鄉西北一百五十里自大岩分脈高山特立又名白虎山

雞鳴山 在復禮鄉去城北百五十里自大岩山分支危聳秀峯高二十八丈周回十餘里又名雞鳴峯

南冲嶺 在新城鄉西北一百五十里自雞鳴峯析東南而來高百仞周回二十餘

里峯巒秀拔元時為驛路

大小岩山

在復禮鄉去城西北百七十里自

曰大岩南曰小岩兩岩對峙約高千仞盤根

四十餘里又云密岩山

浩山去城西北一百八十里界鄱陽彭澤建

德三縣高數百仞周四百餘里唐武德

間李大亮置浩州即此

烟冲嶺在廣進鄉去城北百里自黃源山折

餘里

龍窟山

在懷仁鄉去城北百四十里自交椅

餘支周回五里許山勢凸邃世傳有龍若其

下故名

一 卷

山 川 五

馬頭山

在永福鄉去城百八十里高百仞下

永福鄉水口山形如馬頭故名

斜坑嶺

在永福鄉去城西北百九十里根盤

流林木蔭翳路繞危石清溪錦鷄白鶴棲之

紫城山

在千秋鄉去城東百九十里自淡竹

蓮花尖

在廿八都形如蓮花有古刹有井大

火峯山

在千秋鄉去城百九十里危峯高聳

觀山

在松蓋鄉去城北六十里自小木分支

觀故名

逍遙山 在城北百五十里松蓋鄉自鷹巢分  
支折西南而來至此特起層巒高四  
十餘仞盤根七八里東一支為南山西一支  
為集雲山南而由島八稜諸山皆由此發脈  
神峯山 在城東百五十里自鷹巢發脈由西  
折東數里突起平岡界而止盤紆五  
六里

浮洲山 在里仁鄉自鷹巢山發脈盤旋數里  
高十餘仞

雞籠山 在里仁鄉自鷹巢發脈盤旋數里高  
十餘仞

龍塘山 在城東北一百六十里里仁鄉自鷹  
巢分脈東行折南突聳高峯二十餘  
丈盤紆五六里

萬斛山 在城東北百七十里里仁鄉自月山  
發脈逶迤起伏行五十里而盡于此

鄱陽縣志 一卷 山川 六

盤亘百里高三十餘仞東界樂平西連鄱陽  
北接浮梁一名禮城山

簌箕山 在禮仁鄉自月山分支折北而來盤  
亘四十里高三十丈有雲氣聚焉

白土嶺 在禮仁鄉自月山分支而南頓起為  
嶺高十餘仞

金城山 在城東一百二十里和北鄉

雙鍾山 在禮仁鄉自逍遙山發脈至此突起  
高峯二十餘仞根盤十餘里

瞻坡山 在城東九十里和南鄉

太陽山 在和平南鄉自郭璞山迢遞而來鄆為  
平原約二十餘里至溪流而止

雷岡 在和平南鄉自逍遙山發脈南來起而高  
峯東曰大雷岡雷義所居西曰小雷岡

雷煥所居根盤六七里

集雲山 在和南鄉自曲島山發脈南行三十餘里突起高峯約有十尋常有雲氣護之故名

佛山 在新興鄉

觀音山 在和南鄉自曲島山發脈盤根二里舊有觀音堂故名

寅吉峯 在新興鄉自郭璞山發脈分支高聳百仞根盤二十餘里以其在府治之東寅方故名 上有祖師廟最靈感

龍舌嘴 在新興鄉郭璞山發脈由西南行五十餘里狀如龍舌故名

城山 在文北鄉去城南九十里自郭璞山發脈西南而來山勢延亘十餘里聯絡如

鄱陽縣志

一卷

山川十七

城故名

荆山 在義仁鄉去城北九十里自曲島山發脈亘三十里

強山 在立德鄉去城西南六十里自長山發脈斷續起伏度崇陰水特起兩山鄱湖濱高三十餘仞根盤二十餘里界都昌境又曰任山

龍吼山 在義感鄉去城西五十里高三十餘仞

龍王山 在城西十五里雙港自雲龍發脈高五六丈頂趾皆石前瞰川流上有龍王廟故名為一郡水口明萬曆乙巳知府葉雲初知縣顧自植捐金鳩工建浮圖其上

烏石山 在復禮鄉去城北百五十里高二十尋巖石屹然色如墨故名

論石山 在廣進鄉去城北百四十里高三十餘丈相傳宋李道翁鑿山開道論不

計工故名

石牛山 在懷德鄉去城北三十里高十餘丈

雞足山 在松蓋鄉去城東北百五十里自迤

狀類雞足

打鼓山 在懷仁鄉去城北百有餘里自龍窟

聳尖峯 十餘丈盤旋二里許俗傳里人張十

萬命工開河于山下打鼓為飯候故名

牛頭嶺 在新興鄉去城東六十里自郭璞山

六交狀如牛首故名

鄱陽縣志



山川志

交椅山 在千秋鄉去城東北百九十里自黃

圓峯高可十餘仞綿亘數里狀如交椅

黃小公山 在千秋鄉自淡竹嶺分脈西南而

博士山 在義感鄉去城北十里濱博士湖高

西山 在義仁鄉大景湖中高可六七仞樂亭

小獨山 在新城鄉去城西北百餘里禪山港

萬戶山 古名三台山晉有道人過謂此山當

禪山 在新城鄉濱港高十餘尋與小獨山夾

大野山 在新城鄉出烏玲湖中高可三四丈

九山 在新城鄉高三十餘丈九峯並出

封路嶺 在 新城鄉 與南冲嶺東西相對高可

雙峯山 在全保鄉 十六都自大岩山分支西

七里十五仞高

瑞象峯 在新城鄉 去城東七十里

黃金山 在全保鄉 十六都自大岩山分支西

蓮華山 在城南立 德鄉十里形如蓮花故名

登科山 在城北百 四十里廣進鄉宋江汝欽

龍嶺 在城北九 十里義仁鄉綿亘數里可四

鄱陽湖 卽彭蠡文 名宮亭湖隋改今各去城

鄱陽縣志 一卷 山川 九

江入于海跨南昌 南康饒州三郡廣袤數百

澹津湖 在城中央 二橋經德化橋穿城而出

鄱江雖淺甚旱不 渴舊志云遠岸皆綠楊芙

東湖 在城東又名 督軍湖秦番令吳苒習水

江中有浮洲寺明 薦福山諸水德新橋出香

西湖 在城內納 內有放生東湖王家才魚

劉家塘 在城內納 東北潦水穿城出江

鳳池 在澹湖西古有其名相傳明洪武初有取泥瘠得一

視得五石銅亦不識其山 菱池 在城內胡家橋西納西北潦水穿城

懷蛟池 在府城南相傳有蛟五月五日為此 于此標孝經以示訓又名孝經潭

金鯽魚池 在城南隅寶華巷內相傳陶侃故 居後梁時為鄱陽王蕭恢養魚之

白蓮池 在西隅右武坊匯木角山水元總管 段廷珪砌橋于右今在湖忠臣祠內

馬塘 在府城東北四里唐刺史馬植鑿因名

鄱陽縣志

一卷

山川

蠓洲 在城西相傳唐時有大蚌產珠因名宋 洪皓有野處亭久廢

螺螄洲 在城南鄱江之上流南岸夾汀也俗 傳洲若圓則郡士登特科

鄱江 在城南一名長港其源有二一出祁門張 合婺源經德興樂平而來一出祁門張

公山經浮梁而來會于城東是為鄱江環城 而西折北十餘里至雙港分為二支一支自

西而北又折西經棠陰鎮出饒河口會于鄱 陽湖一支自西而北復折西注于堯山港流

二十里入老鵲港匯于烏坵湖由烏坵湖西 南出虬門入鄱湖達于大江老鵲港一支轉

北十餘里折東入車門港匯為北珠湖雙港 水落時有石梁橫亘為兩岸過脈俗呼公母石

新開河 郡城田多入災太守張公有譽開此河以厭之 其鐵石墩小藉田係姜宅業張公給價市之亦為

長港 人自浮梁界至城東鄱江逐段各有地名 分界為業下載各地名



金魚塘 危石塘 烏棚灘 舒家潭  
鍾潭港 太陽渡港 新塘港 上故縣渡港  
下故縣渡港 大小菱湖 程家渡港 張州布疋港

利池湖 竝堯山下流

樂亭港 車門港 白沙港 大磊湖  
小磊湖 南葉湖

北珠湖 自東南至西北五十余里達于河

孤山井 分流 金冲 溜池  
菱池 大小勝蠻池 大小垵 鵲池  
桂玲岸 大藤玲 車門港 上羅

烏玲湖 自西南出虬門入鄱湖達于江

羅湖 界潭李家港 烏下漿 雲湖  
大陂湖 老鵲港

鄱陽縣志 一卷 山川 三

道漢湖 在懷德鄉納諸水南經小渡達于鄱

馮家垵 莊家湖 茅畚湖 金竹湖

桂湖 在懷德鄉受諸水逕小渡達于鄱江

施村才 陳家塘 黃家塘 寺前湖  
廟前湖 徐婆漢 長塘 歐境湖  
吳丘湖 胡家湖 東界湖 牛草湖  
梯高湖 北塘 東界塘 鶴岩漢  
鵲鵲湖 潘家湖 毛家湖 大塘湖  
大小湖漢水尾

孔目湖 在懷德鄉東納大渡支流西經南湖

李硬湖 程家湖 洲東小 南湖垵  
乾田小 五路沙洲 白草湖 東湖小大井

官橋垵 在新興鄉納諸水西經大渡達于鄱

沙隔湖

在新興鄉東由浮浪蕩納大渡水西

白鹿塘

鄧家才

張公塘

鮑子湖

黃家湖

鹿湖後塘

長才

團才

西才

鴉鵲塘

官塘

上下藕塘

蓮河塘

青山塘

芟湖

爛泥尾

車尾湖

汪家才

牛草湖

林慶塘

柘林

牛欄湖

牛草湖

林慶塘

苦竹湖

大漂湖

搽頭湖

白洋湖

西岸

姜師塘

官湖

劉永港

婁子才

江家葉

沙港

曹家塘

過水溝

苦風港

螺獅港

何家糝

沙漢港

林下溪

程家湖

江家湖

樟木湖

螺獅溝

布袋湖

小溪坵

烏沙窟

李家湖

烏兒湖

三角湖

清風湖

神保湖

徐家塘

歐陽塘

楓樹溝

何家濕

江家塘

上下清泥港

江布袋

大小鄱江

胡家潭港

新開橫直溝

鄱陽縣志

卷一

山川

角尾湖

在懷德鄉東自溫鄉湖納大渡港支

孫槎湖

荻子湖

車網湖

上鮑狗

下鮑狗

大小才

破湖

池匠湖

柴槎湖

九日湖

白炭湖

三角湖

西塘湖

小坂湖

大坂湖

大刀湖

塘下湖

西湖

馮湖

長葉才

吳家塘

江家才

中夾塘

赤土塘

鰲湖

北湖

上下塘

塘漂湖

吉潭港

李灣港

嚴湖

塘漂湖

大雷湖

在文北鄉合諸水相向坵逕大渡港

小雷湖

吳家塘

車網湖

張家漿

楓樹湖

黃中車塘

雙車才

神儒坪

應照湖

車塘湖

流沙湖

赤土東湖

三角湖

長葉湖

魚隔下塘

中夾長葉

青草純口瀝湖坎下漢

灌塘湖

在文北鄉由西溪玲納鄱江支流西

上湖

楊公塘

大小茶湖

蛇林湖

大高湖

蕩山塘

水曹湖

神湖塘

開元湖

瀑水湖

劉家湖

西宗湖

小湖坑塘

白水湖

南河神湖塘

烏家池

周家湖

張家葉湖

吳家塘

楊家才

泉水湖

牛車湖

蔡家溝

蘇家湖

白石新塘

仲池

孔湖

上漿

長才

鵞湖

南湖

西湖

下漿

方家湖

在文北鄉東自原潭玲納鄱江支流

南漢

下塘

菱港塘

標湖

韓家溝

洩窟

曹家才

漿

鄱陽縣志

一卷

山川 三

茶湖

赤上湖

木蔭塘

桃窟

西湖

栢石湖

小坑玲

大湖

陶祥窟

陶家湖

在文北鄉納諸湖水南經道港州達

舒家窟

神明塘

天地塘

神後塘

甘井塘

汪家底湖塘

菱港塘

雙清塘

蘭坑

瓦漢

後塘

李葉塘

車馬西坡湖

白水湖

在文北鄉合山源小港諸水北入鄱

茶湖

上下葉

灰塘

掘漿

大來湖

小來湖

布袋湖

散子湖

車塘

泉下塔玲

都司塘

背峯湖

小兒玲

龍潭

豹水

小理盤湖

儒堂

馬家港

袁家井

樟潭港 新玲

高沙小港

下漢

北漢

任家黃泥港

白家汀港 在文北鄉東接餘于溪流西入鄱

錢家潭 李家潭 鷺湖汀 前村港  
危家潭 鮑子沙 斜夾港 石子港

蓮潭 黃泥潭港 並本港下流 陳家溪  
江南圳 村前池 上湖池 下湖池

馬陽湖 南頭浪湖 三角湖 楊葉樹長河  
斜穴內漢河並港內

新開河 在文南鄉南接白家汀北合于鄱江

笋子湖 石湖玲 長潭 游源潭  
破湖 游源小港 大小才 李家才

湛公湖

獺湖 在文南鄉納諸水受鄱江支流會番江

西漢 李子港 南湖塘 治家湖  
嚴家玲 葶薺塘 危儒塘 然塘

鄱陽縣志 一卷 二

楓木湖 在懷德鄉納各溪支復入游渡苦竹

鷄冠湖 蓮子湖 但頭才 村湖  
涼傘石 墨水湖 角小港 三角坑湖

連社湖 南湖 鮑湖 麻子湖  
溝子湖 潭林湖 原湖 張連湖

山峯湖 雲湖 山塘 周家湖  
橋頭湖 水壑 南山港 通開湖

龍窟 魚門 遠山湖 排頭境  
東沙湖 戚家段 牛欄湖 莊玲

小湖 棠利湖 曾世蒲 菜萸港  
大坵埠湖 上下連玲 藍上口玲 塘前才內漢

羊屎玲 上玲塘 青玲

苦竹溝 在懷德鄉接餘于支溪流南會于游

山峯港 鮑湖港 李家潭 野猪鈎  
芽畚港 湖汀港 新開河港 莧菜連港

南珠湖

在懷德鄉納餘于古埠沙港諸水入

曹家塘

石公渡

梅家玲

馬家塘

黃家塘

軍湖

李漿

下蕭湖

袁家塘

塔下玲

後塘湖

新塘玲

長潭

嵐湖

鴉鵲湖

蚌蛤湖

下玲塘

東涉湖

東西湖

內外大玲

揚樹塘

五子玲

湯灣塘

小港玲

新開港

珠湖大港

南北港

上槽湖

獨樹塘

鴉鵲子湖

召下塘

上玲

內外八舌池

前西白背舍

祝君玲

唐刺史祝欽明開浚故名萬曆十二

鄱江西

接繕尾會于鄱陽湖今仍議修築

君子港

藉枋港

橫港

表恩港

大葉井

吳家港

鱖魚港

繕尾

鄱陽縣志

一卷

山川

博士湖

在義感鄉東

新境潭

山汊港

上下圩

瓦屑玲

大小景池

在義感鄉北樂亭港西逕土級強

大風湖

小風湖

羅步玲

大陵池

團魚湖

土級強港

凹池

大景下口

大小漢池

在立德鄉東由馬家穴納鄱江支

席池

望湖

新塘

西洋

樹木濠湖

童子渡港

在義仁鄉北受建德山澗諸水合

永灘東港

朗渡港

烏龜港

富山港

新興港

大觀陂洲港

潘家潭港

管葉坑

僉坑

歐池

壕塘紫池

大小池

桃花池

琅璫池

並港內

雷公塘

子坑長坵 朱家葉 河山坑 鄧家塘  
 上富池 三汊尾 石灰車塘 西港  
 寒源池 下官池 屈家井 陳家塘  
 章山小港 南巴池 南坵 艾湖  
 土地塘 黃始老鼠港並港北

**樹長港** 在崇德鄉出箬嶺西流與石門小港合入烏坵

胡家塘 浮鳴池 道莊塘 長塘  
 西小港尾 水尾團塘 大小明塘 常風塘  
 塔下塘 土坵塘 禪山坵

**石門小港** 在廣進鄉北接建德山澗諸水東

蔡家港 桐樹港 章田長港 章田小港  
 禪山港 獨山港 石馬港 珍珠港  
 界潭港並本港下流之名 劉家塘  
 石灰坵 大迎湖 小迎湖 丁池

鄱陽縣志 一卷 山川 三

雲塘 李積塘 中塘 破塘  
 余家嘴 後塘 後巴湖 黃土港  
 牛角湖 大下池 大小池 荷塘  
 鰲湖 映湖 貪婪籠子湖 花蛇大小圳  
 李家塘 韓家塘 皂角塘 大小才  
 青林湖 大小明塘 郎塘 院塘  
 馬影臺 郎湖 張小湖 大野湖

**大小珠湖** 凡此皆窪下之地大小廣狹不一

落漁人以竹箔棧取魚輪流有當年經

鄱江南岸諸湖

劉家才 李家湖 棠梨湖 水傍湖  
 詹家塘 西湖 鯉湖 朗沙湖  
 白腸湖 小腸湖 清水坵 大腸湖  
 月湖 獺湖 黃沙徑 樅步湖

鄱陽

縣志

卷一

山川

黃土港

青岭

王家

茶湖

泉湖

棠梨湖

雞菜湖

灰步湖

黃花岭

彭步

雲湖

鮑湖

橋下灣

死人

蘆花井

草頭湖

南清湖

菱湖

斜才

草頭湖

遙貴湖

楊樹湖

烏子湖

小濠湖

南湖

車塘

花樣湖

烏柏湖

牛額湖

裏外

上箭岭

穴港

檉湖

下箭湖

劉枝湖

張槎湖

泉下窟

鷓鴣湖

鶯湖

張槎湖

湯灣湖

浮學塘

水尾坑

吳家才

胡家湖

沙湖

南

吳家才

烏兒湖

陶家湖

裏外湖

胡家才

青湖

長湖

鴨子岭

匙斗湖

南嘴岭

茶湖

禮義湖

查潭港

東港

連理湖

魯家塘

藉荆池

蓮台葉

鮑口湖

深湖

老池

鮑家湖

東索湖

新塘湖

吳家葉

曾網湖

瀨沮

北

小港子

陳沙湖

上連池

扁子港

弓家葉

大小雲潭

清灣港

下連池

江家葉

清灣湖

山下湖

大車網湖

江家葉

長濠湖

山下湖

鮑子湖

大練潭

小車網湖

小練湖

大練湖

劉二湖

馮家湖

蕭白

江家岭港

五步岭

鮑皮湖

東白

西白

鴉鵲湖

小鮫鵲湖

柏子湖

李公

堯竟港

小軍港

范大

鳩鵲港尾

烏柏湖

烏龜湖

曲尺湖

梅查港

槎湖港

大小鵲湖

黃金

酸土湖

陀背湖

九曲港

梅查湖

南蒲暗港

小雲湖

長沙池

柳洲湖

猴村湖

馬家湖

裏夾外夾

彭公湖

鰕魚湖

徐家湖

團魚湖

李公

西坑長葉

黃婆湖

北角湖

連磊湖

石蕭湖

上鄂池

柳使小港

石子池

東角池

沙漲湖

雙港南岸諸湖

小潮湖	一滿池	李潭長港	小連池
大連池	礪灣坵	竹子洲	宋家漢
黃泥小港	吳公冲	小景湖	石子港
大埋塘	石砌池	凌湖	陳婆葉
大陂閉塘	西坵輔渡湖	東西馬景塘	門扇休師湖
裏外長葉坵	大小良池	南漿石尾池	桐子湖漢池
上下土湖	冷水池	柳沙港圍湖	瑞池揚沙
范大流星港	赤土鷄腸湖	大小百葉漢	上下長波葉
連池			

凡此東通新開河口南通白家汀港西  
通祝君坵春夏水漲會為番湖秋冬水  
落洲出各湖見焉

鄱陽縣志

一卷

三

烏龜井	鴉齒葉	石潭港	上瑞池
下瑞池	茶湖	礪湖	小瑞池
神明湖	大兒池	郭家葉	張家墓
檀湖	荷池	葛家塘	外瑞港
涼子池	黃土湖	小鳴池	逐塘
竈湖	劉家漢	韓公湖	汪家才
上樹湖	下樹湖	栢港	車漿
連湖塘	上魚池	下魚池	嵐子池
上連池	菱溪	南漿	梨子池
王莘逕	黃家坵	城下漢	白頭漢
柳池	獺湖	黃名湖	曹家塘
劉湖池	赤歷湖	鴉鵲湖	橫坑
南倉漢	程老葉	范泥池	逆茨池
甘橋漢	大景池	沙湖	河湖
大軍湖	蕉古井	南口坵	弓家葉
大小葉	仲池	南湖	棠梨池
高下葉	猪蹄葉	上姜塘	大運池
大柳望四湖	小軍池	神前坵	陶公漢
小沙湖	大漢池	陶鈎港小葉	湖表塘
斜溪港	大溪池	小五湖	大小江
沙河	楊柳葉	買鹽港	扁子港
中村港	漏子港	大塘池	陳家葉橫前



沙湖塘	小兒池	沙漢夾	雙頭漢
大葉	小葉池	小蓮池	新冷池
王簿港	王簿池	下藉池	買鹽池
崇口池南葉	南北湖	江子池	嵩子池
大斷湖	上葉下葉	大小綠頭湖	大塘下尾
荆葉西塹	大鴿鳴油	上下魚池	芙蓉湖
李潭長港	古斜溪口	柿湖前坊	螺蛳小港
小力士池			

鄱陽縣志

一卷

山川

二十九

輿地

郡龍辯誤

史千古

夫建都立國而據形勝古昔皆是道也即郡邑  
繫重雖減于都而形勝必擇焉形勝之原必審  
焉擇形貴得其地審原貴清其胙地脉者來龍  
也龍之云來概其祖也祖之重獨人類為然哉  
鍾毓人類之山川亦有然者鄱治之地即郡治  
之地也地固已得形勝之美美之見于近者咸  
得而知美之所自人未得而知不惟愚不肖未

鄱陽縣志

一卷

三十

輿地

得而知觀誌之所志查府誌縣誌其作者脩者  
前諸君子亦未嘗得而知之此以耳傳耳以志  
信志所繇皆云芝山發自九華則九華芝山祖  
也九華豈祖也哉夫芝山分南幹之枝九華亦  
分南幹之枝者自抵信走徽之間于黟屬則分  
枝而為芝山亦于黟之屬起羊棧嶺走黃山行  
度之間則分枝而為九華是未有九華之分已  
先有芝山之分矣九華豈得為芝山祖則誤也  
明矣祖也而可誤認哉誤也而可仍乎哉不可

仍誤芝山之祖則不可不著明芝山之祖矣芝山之祖黥地分南幹趨祁門歷建德浮梁而下者此則謂饒郡龍之始祖也云始祖其臆說也耶則有辯在楊曾先師有云龍過則流分流分則龍辯芝山始起之祖左分發源于祁門栢溪流昌江而過繞府治右分發源諸水流石門河流樟梓渡河滙烏菱湖逆轉東向抵堯山八字腦合左分之水而出彭蠡此分合見之實者試考九華曾有一山一水而繞纏夫饒者乎且鄱

鄱陽縣志

一卷

三一

境西南滙水東北環山九華正位乎西北且隔太寧池州諸府縣之山水此謂之芝山發自九華九華其沒水而來與不則從何以飛渡耶則芝山之脉先分南幹之枝明矣得先分南幹之勢芝山之始祖清矣清則鄱治形勝之平原其彰彰矣不然者仍其誤而不辯後有知者必嘲譏訛錯訾鄱爲失祖之地愧不甚與敢詳之以昭志之首務暨改繪圖勢以正大觀云

卷之一終